

唐宋 八大家 全集

第四卷 欧阳修(二)

新世纪出版社

唐宋八大家全集

第四卷

欧阳修



新世纪出版社

居士外集卷四

古 诗

桐 花

猗猗井上桐，花叶何蓑蓑。下荫百尺泉，上耸陵云材。
翠色洗朝露，清阴午当阶。幽蝉自嚙嚙，鸣鸟何喈喈。
日出花照耀，飞香动浮埃。今朝一雨过，狼籍黏青苔。
斯桐乃谁树，意若铭吾斋。常闻汉道隆，上下相和谐。
选吏择孝廉，视民婴与孩。政声如九韶，百物绝妖灾。
优优颍川守，能致凤凰来。到此几千载，丹山自崔嵬。
圣君勤治理，百郡列贤才。嗟尔不自勉，凤凰其来哉。

思二亭送光禄谢寺丞归滁阳

吾尝思醉翁，醉翁名自我。山林本我性，章服偶包裹。
君恩未知报，进退奚为可。自非因谗逐，决去焉能果。
前时永阳谪，谁与脱缰锁。山气无四时，幽花常婀娜。
石泉咽然鸣，野艳笑而傴。宾欢正喧哗，翁醉已岌峨。
我乐世所悲，众驰予坎坷。惟兹三二子，嗜好其同颇。
因归谢岩石，为我刻其左。

吾尝思丰乐，魂梦不在身。三年永阳谪，幽谷最来频。
谷口两三家，山泉为四邻。但闻山泉声，岂识山意春。
春至换群物，花开思故人。故人今何在，憔悴颍之滨。

人去山自绿，春归花更新。空令谷中叟，笑我种花勤。

堂中画像探题得杜子美

风雅久寂寞，吾思见其人。杜君诗之豪，来者孰比伦。
生为一身穷，死也万世珍。言苟可垂后，士无羞贱贫。

和徐生假山

匠智无遗巧，天形极幽探。谓我爱山者，为山列前檐。
颓垣不数尺，万嶮由心潜。或开如断裂，或吐似铄铄。
或长随摩迤，或瘦露崿嵌。阴穴觑杳杳，高屏立巉巖。
后出忽孤耸，群奔沓相参。暖若气融结，突如鬼镌鐫。
昔岁贬荆楚，扁舟极东南。孤山马当夹，两岩临江潭。
常恨江水恶，轻风不留帆。峰峦千万状，可爱不可谈。
但欲借彩绘，图之挂纨缣。岂如几席间，百态生浓纤。
暮云点新翠，孤烟起朝岚。况此穷冬节，阴飈积凝严。
幽斋喜深处，远目生遐瞻。昼卧不移枕，晨兴自开帘。
吾闻君子居，出处无常占。卷道或独善，施物仁贵兼。
于时苟无益，怀禄古所惭。嵩山幸不远，薇蕨岂不甘。
自可结幽侣，披云老溪岩。胡为不即往，一室安且恬。
辱子赠可愧，因诗以自谗。

送杨员外

予昔走南宫，江湖浩然涉。今来厌尘土，常怀把轻楫。
闻君东南行，山水恣登蹶。秋江湛已清，树色映丹叶。

羨君舟插枻，去若鱼鼓鬣。君家兄弟才，门族当世甲。
行期荐贤书，疾驿来上阁。

读梅氏诗有感示徐生

子美忽已死，圣俞舍吾南。嗟吾譬驰车，而失左右骖。
勅敌尝压叠，羸兵当戒严。凡人贵勉强，惰逸易安恬。
吾既苦多病，交朋复凋歼。篇章久不作，意思如胶粘。
良田失时耕，草莽废锄芟。美井不日汲，何由发涛甘。
偶开梅氏篇，不觉日挂檐。乃知文字乐，愈久益无厌。
吾尝哀世人，声利竞争贪。哇咬聒两耳，死不享韶咸。
而幸知此乐，又常深讨探。今官得闲散，舍此欲奚耽。
顽庸须警策，赖子发其箴。

和人三桥

笳鼓下层台，旌旗转长屿。桥响鹜归轩，溪明望行炬。
北临白云涧，南望清风阁。出树见人行，隔溪闻鱼跃。
断虹跨曲岸，倒影涵清波。为爱斜阳好，回舟特特过。

初夏刘氏竹林小饮

春荣忽已衰，夏叶换初秀。披荒得深蹊，扫绿荫清昼。
万竿交已耸，千亩蔚何富。惊雷迸狂鞭，雾箨舒文绣。
虚心高自擢，劲节晚愈瘦。虽惭桃李妖，岂愧松柏后。
川源湛新霁，林麓洗昏雾。猗猗色可餐，滴滴翠欲溜。
况兹夏首月，景物得嘉候。晚蝶舞新黄，孤禽弄清味。

窥深入窗蒙，玩密爱林茂。依依带幽涧，隐隐见孤岫。
林荪缚堪眠，野汲冷可漱。鸣琴泻山风，高籁发仙奏。
暑却自蠲渴，心闲疑愈疾。杯盘杂芬芳，图籍罗左右。
怡然忘簪组，释若出羈厩。矧予怀一丘，未得解黄绶。
官事偶多闲，郊扉须屡叩。新篁渐添林，晚笋堪荐豆。
谁邀接羸公，有酒幸相就。

眼有黑花戏书自遣

洛阳三见牡丹月，春醉往往眠人家。扬州一遇芍药时，
夜饮不觉生朝霞。天下名花惟有此，樽前乐事更无加。
如今白首春风里，病眼何须厌黑花。

送朱生

万物各有役，无心独浮云。遂令幽居客，日与山云亲。
植桂比芳操，佩兰思洁身。何必濯于水，本无纓上尘。

雪

新阳力微初破萼，客阴用壮犹相薄。朝寒棱棱风莫犯，
暮雪缓缓止还作。驱驰风云初惨淡，炫晃山川渐开廓。
光芒可爱初日照，润泽终为和气烁。美人高堂晨起惊，
幽士虚窗静闻落。酒垆成径集瓶罍，猎骑寻踪得狐貉。
龙蛇扫处断复续，貔虎团成呀且攫。共贪终岁饱麰麦，
岂恤空林饥鸟雀。沙墀朝贺迷象笏，桑野行歌没芒屨。
乃知一雪万人喜，顾我不饮胡为乐。坐看天地绝氛埃，

使我胸襟如洗淪。脱遗前言笑尘杂，搜索万象窥冥漠。
颖虽陋邦文士众，巨笔人人把矛槊。自非我为发其端，
冻口何由开一噉。

雪 晴

悠悠野水来，滟滟西溪阔。晓日披宿云，荒台照残雪。
风光变穷腊，岁律新阳月。冻卉意初回，绿醅浮可拨。
人闲乐朋友，鸟哢知时节。岂止探芳菲，耕桑行可阅。

琴 高 鱼

琴高一去不复见，神仙虽有亦何为。溪鳞佳味自可爱，
何必虚名务好奇。

竹 间 亭

高亭照初日，竹影凉萧森。新篁渐解箨，翠色日已深。
雨多苔莓青，幽径无人寻。静趣久乃得，暂来聊解襟。
清风飒然生，鸣鸟送好音。佳时不易得，浊酒聊自斟。
兴尽即言返，重来期抱琴。

箕 山

朝下黄芦坂，夕望箕山云。缅怀巢上客，想彼岩中人。
弱岁慕高节，壮年婴世纷。漱流羨颍水，振衣嗟洛尘。
空祠乱惊鸟，山木含余熏。聊兹谢芝桂，归月及新春。

西 园

落日叩溪门，西溪复何所。人侵树里耕，花落田中雨。
平野见南山，荒台起寒雾。歌舞昔云谁，今人但怀古。

白 兔

天冥冥，云濛濛，白兔捣药姮娥宫。玉关金锁夜不闭，
窜入滁山千万重。滁泉清甘泻大壑，滁草软翠摇轻风。
渴饮泉，困栖草，滁人遇之丰山道。网罗百计偶得之，
千里持为翰林宝。翰林酬酢委金璧，珠箔花笼玉为食。
朝随孔翠伴，暮缀鸾皇翼。主人邀客醉笼下，
京洛风埃不沾席。群诗名貌极豪纵，尔兔有意果谁识。
天资洁白已为累，物性拘囚尽无益。上林荣落几时休，
回首峰峦断消息。

偶 书

吾见陶靖节，爱酒又爱闲。二者人所欲，不问愚与贤。
柰何古今人，遂此乐尤难。饮酒或时有，得闲何鲜焉。
浮屠老子流，营营盈市廛。二物尚如比，仕宦不待言。
官高贵愈重，禄厚足忧患。暂息不可得，况欲闲长年。
少壮务贪得，锐意力争前。老来难勉强，思此但长叹。
决计不宜晚，归耕颍尾田。

日本刀歌

昆夷道远不复通，世传切玉谁能穷。宝刀近出日本国，
越贾得之沧海东。鱼皮装贴香木鞘，黄白闲杂铦与铜。
百金传入好事手，佩服可以攘妖凶。传闻其国居大岛，
土壤沃饶风俗好。其先徐福诈秦民，采药淹留邇童老。
百工五种与之居，至今器玩皆精巧。前朝贡献屡往来，
士人往往工词藻。徐福行时书未焚，逸书百篇今尚存。
令严不许传中国，举世无人识古文。先王大典藏夷貊，
苍波浩荡无通津。令人感激坐流涕，锈涩短刀何足云。

会峰亭

山势百里见，新亭压其巅。群峰渐靡迤，高下相绵联。
下窥疑无地，杳蔼但苍烟。是时新雨余，众壑鸣春泉。
林籁静更响，山光晚逾鲜。岩花为谁开，春去夏犹妍。
野鸟窥我醉，溪云留我眠。日暮山风来，吹我还醒然。
醉醒各任物，云鸟徒留连。

晚步绿阴园遂登凝翠亭

余春去已远，绿水涵新塘。渐爱树阴密，初迎蕙风凉。
高亭可四望，绕郭青山长。野色晚更好，岚熏共微茫。
幽怀不可写，雅咏同谁觞。明月如慰我，开轩送清光。

圣俞惠宣州笔戏书

圣俞宣城人，能使紫毫笔。宣人诸葛高，世业守不失。
紧心缚长毫，三副颇精密。硬软适人手，百管不差一。
京师诸笔工，牌榜自称述。累累相国东，比若衣缝虱。
或柔多虚尖，或硬不可屈。但能装管榻，有表曾无实。
价高仍费钱，用不过数日。岂如宣城毫，耐久仍可乞。

赠潘景温叟

秦卢不世出，俗子相矜夸。治疾不知源，横死纷如麻。
番阳奇男子，衣冠本儒家。学本得心诀，照底穷根崖。
冷然鉴五藏，曾靡毫厘差。公卿扫榻迎，黄金载盈车。
语言无羽翰，飞入万齿牙。相逢京洛下，使我惊且嗟。
七年慈母病，庸工口咿哑。恨不早见君，以乞壶中砂。
通宵耳高论，饮恨知何涯。瞥然别我去，征途指烟霞。
孤云不可留，泪线风中斜。

学书二首

苏子归黄泉，笔法遂中绝。赖中蔡君谟，名声驰晚节。
醉翁不量力，每欲追其辙。人生浪自苦，以取儿女悦。
岂止学书然，自悔从今决。
学书不觉夜，但怪西窗暗。病目故已昏，墨不分浓淡。
人生不自知，劳苦殊无憾。所得乃虚名，荣华俄顷暂。

岂止学书然，作铭聊自鉴。

奉使道中作三首

执手意迟迟，出门还草草。无嫌去时速，但愿归时早。
北风吹雪犯征裘，夹路花开回马头。若无二月还家乐，
争奈千山远客愁。

为客莫思家，客行方远道。还家自有时，空使朱颜老。
禁城春色暖融怡，花倚春风待客归。劝君还家须饮酒，
记取思归未得时。

客梦方在家，角声已催晓。匆匆行人起，共怨角声早。
马蹄终日践冰霜，未到思回空断肠。少贪梦里还家乐，
早起前山路正长。

奉使道中寄坦师

道人少贾海上游，海舶破散身沉浮。黄金满篋人所寄，
吹簸偶得还中州。赢身归金不受报，祇取斗酒相献酬。
欢娱慈母终一世，脱弃妻子藏岩幽。苍烟寥寥池水漫，
白玉菡萏吹高秋。夜燃柏子煮山药，忆此东望无时休。
塞垣春枯积雪溜，沙砾威怒黄云愁。五更匹马随雁起，
想见鄮郭花今稠。百年夸夺终一丘，世上满眼真悠悠。
寄声万里心绸缪，莫道异趣无相求。

勉刘申

有司精考核，中第为公卿。本基在积习，优学登荣名。
吾子齿尚少，加勤无自轻。努力图树立，庶几终有成。

寿楼

碧瓦照日生青烟，谁家高楼当道边。昨日丁丁斤且斲，
今朝朱栏横翠幕。主人起楼何太高，欲夸富力压群豪。
楼中女儿十五六，红膏画眉双鬓绿。日暮春风吹管弦，
过者仰首皆留连。应笑楼前骑马客，腰垂金章头已白。
苦贪名利损形骸，争若庸愚恣声色。朝见骑马过，
暮见骑马归。经年无补朝廷事，何用区区来往为。

试院闻奚琴作

奚琴本出奚人乐，奚虏弹之双泪落。抱琴置酒试一弹，
曲罢依然不能作。黄河之水向东流，鳧飞雁下白云秋。
岸上行人舟上客，朝来暮去无今昔。哀弦一奏池上风，
忽闻如在河舟中。弦声千古听不改，可怜纤手今何在。
谁知着意弄新音，断我樽前今日心。当时应有曾闻者，
若使重听须泪下。

乞药有感呈梅圣俞

宣州紫沙合，圆若截郛筒。偶得今十载，走宦南北东。

持之圣俞家，乞药戒羸僮。圣俞见之喜，遽以手磨砻。
谓此吾家物，问谁持赠公。因嗟与君交，事事无不同。
忆昔初识面，青衫游洛中。高标不可揖，杳若云间鸿。
不独体轻健，目明仍耳聪。尔来三十年，多难百忧攻。
君晚得奇药，灵根沍离宫。其状若狗蹄，其香比芎藭。
爱君方食贫，面色悦以丰。不憚乞余剂，庶几助衰癯。
平时一笑欢，饮酒各争雄。向老百病出，区区论药功。
衰盛物常理，循环势无穷。寄语少年儿，慎勿笑两翁。

拟剥啄行寄赵少师

剥剥复啄啄，柴门惊鸟雀。故人千里驾，信士百金诺。
搢绅相趋动颜色，闾巷欢呼共嗟愕。顾我非惟慰寂寥，
于时自可惊偷薄。事国十年忧患同，酣歌几日暂相从。
酒醒初不戒徒馭，归思瞥起如飞鸿。车马阒然人已去，
荷鋤却向野田中。

绝句

冷雨涨焦陂，人去陂寂寞。惟有霜前花，鲜鲜对高阁。

冬夕小斋联句寄梅圣俞 陆经

寒窗明夜月，陆散帙耿灯火。破砚裂冰泚，陆败席荐霜筍。
废书浩长吟，陆想子实劳我。清篇追曹刘，陆苦语侔岛可。
酣饮每颓山，陆谈笑工炙輠。驾言当有期，陆岁晚何未果。
幽梦乱如云，陆别愁牢若锁。雪水渐涟漪，陆春枝将婀娜。

客心莫迟留，欧苑葩即纷堕。何当迎笑前，陆相逢嘲饭颗。欧

剑联句 范仲淹、滕宗谅

圣人作神兵，以定天下厄。范蚩尤发灵机，干将构雄绩。欧
橐龠天地开，炉冶阴阳辟。滕南帝输火精，西皇降金液。欧
炎炎昆冈焚，汹汹洪河孽。范雷霆助意气，日月沦精魄。滕
神气不在大，错落就三尺。直淬灵溪泉，横磨太行石。欧
雄雌威并立，昼夜光相射。范提携风云生，指顾烟霞寂。滕
坚刚正人心，耿介志士迹。欧初疑成夏鼎，魑魅世所适。滕
又若引吴刀，犀象谓无隔。范截波虬尾滑，脱浪鲸牙直。
顽冰挂阴霤，皎月乘孤隙。欧河角起彗气，云罅露秋碧。
晓鐔星斗烂，夜匣飞龙宅。范舞酣霰雪回，弹俊球琳击。
鲜摇雪水光，膩刮湘山色。滕青蛟渴雨瘦，素虺蟠霜瘠。欧
清音锵以鸣，寒姿坚且泽。范鬼类丧影响，佞党摧肝膈。欧
一旦会神武，四海屠凶逆。范周王奉天讨，商郊千里赤。欧
楚子扬军声，秦师万首白。祥辉冠吴楚，杀气横燕易。范
与君斩鳌足，八极停震虩。欧与君制鹏翼，三辰增焕赫。
莫使化猿翁，辱我为幻惑。范莫使暴虎人，屈我执仇敌。滕
尊严俟冠冕，左右舞干戚。欧功成不可留，延平空霹雳。范

鹤联句 范仲淹、滕宗谅

上霄降灵气，钟此千年禽。范幽闲靖节性，孤高伯夷心。欧
颀颀紫霄垠，飘飘沧浪浔。欧岳湛有仙姿，钧韶无俗音。范
毛滋月华淡，顶粹霞光深。欧目流泉客泪，翅垂羽人襟。滕
腾汉雪千丈，点溪霜半寻。范纤喙砺青铁，修胫雕碧琳。欧

岩栖干溪树，泽饮卑朱泠。滕鸾皇自坝簏，燕雀徒商参。范
 独翅耸琼枝，群舞倾瑶林。欧病余霞云段，梦回松吹吟。滕
 静嫌鸚鵡言，高笑鸳鸯淫。范金清冷澄澈，玉格寒萧森。欧
 洁白不我恃，腥羶非所任。滕稻粱不得已，虬虱胡为侵。范
 天池忆鹏游，云罗伤凤沈。滕风流超缟素，雅淡绝规箴。欧
 相亲长道情，偶见销烦襟。范西汉惜冯唐，华皓欲投簪。欧
 南朝仰卫玠，清羸疑不禁。滕端如方直臣，处群良足钦。范
 介如廉退士，惊秋犹在阴。范几消鹰隼鸷，羁縻俄见临。欧
 还嗤鳧鹭贪，弋缴终就擒。欧乘轩乃一芥，空笼仍万金。滕
 片云伴遥影，冥冥越烟岑。范长飏送逸响，亭亭出霜砧。欧
 蓬瀛忽往来，桑田成古今。欧愿下八佾庭，鼓舞薰风琴。滕

来燕堂与赵叔平王禹玉王原叔韩子华联句

贤侯谢郡归，从游乐吾党。林泉富余地，卜筑疏陈莽。
 是时春正中，来燕音下上。若贺大厦成，喜留众宾赏。概
 得名因谈笑，挥墨粲题榜。所夸贤豪盛，岂止池榭广。
 人心乐且闲，鸟意颀而颀。吟樽敞花轩，醉枕酣风幌。情
 轻云薄藻栋，初日丽珠网。红袂生暗香，清弦泛余响。
 林深隐飞盖，岸曲迟去桨。波光栏槛明，竹飞衣巾爽。挂
 虚容凉樾入，影与文涟荡。晨飏转绿蕙，夕雨滋膏壤。
 嘉辰喜盍朋，命驾期屡往。觞咏陶淑真，世俗岂吾仿。沫
 得以为胜游，萧然散烦想。公子固好士，世德复可象。
 今此大基构，不图专奉养。美哉风流存，来叶足师仰。绎

居士外集卷五

律 诗

汉 宫

桂馆神君去，甘泉辇道平。翠华飞盖下，豹尾属车迎。
晓露寒浮掌，光风细转旌。廊回偏费步，佩远尚闻声。
玉树人间老，珊瑚海底生。金波夜夜意，偏照影娥清。

送刘半千平阳簿

岭梅归驿路迢迢，越鸟巢倾木半乔。松径就荒聊应召，
桂丛留隐定相招。家庭噪鹊争喧树，夜帐惊猿自拥条。
何处秋风催客鬓，青丝恐逐物华凋。

楼 头

百尺楼头万叠山，楚江南望隔晴烟。云藏白道天垂幕，
帘卷黄昏月上弦。桑落蒲城催熟酒，柳衰章陌感凋年。
发光如葆宁禁恨，不待为郎已飒然。

夕 照

夕照留歌扇，余辉上桂丛。霞光晴散锦，雨气晚成虹。

燕下翻池草，乌惊傍井桐。无繆照湘水，丹色映秋风。

送张学士知郢州

汉郎清晓赤墀趋，楚老西来望隼旂。侍史护衣薰蕙草，
辘轳要剑从骊驹。阳春绕雪歌低扇，油幕连云水泛渠。
千里修门对潞浦，好寻遗玦吊三间。

晓 咏

帘外星辰逐斗移，紫河声转下云西。九维乌起城将曙，
百尺楼高月易低。露裊兰苕惟有泪，秋荒桃李不成蹊。
西堂吟思无人助，草满池塘梦自迷。

禁 火

火禁开何晚，春芳半已凋。柳风兼絮坠，榆雨带钱飘。
泪翦兰膏尽，弦亏桂魄消。拔兰流水曲，游楔一相招。

送赵山人归旧山

屈贾江山思不休，霜飞翠葆忽惊秋。吟抛楚畹兰苕老，
归有淮山桂树留。聒耳春池蛙两部，比封秋坞橘千头。
嗔条怒颖真堪愧，莫染衣尘更远游。